

CHUCHUBI

SEMANARIO
Diasabra, October 24, 1970

5000 - INDEPENDIENTE - 5000

50Oct.



ANTILLAS BANCAROTA!

SI NO FIA MAS, UNDA NOS LO HANJA SUELDOS PA KEIRU Y HACI OTRO GRACIANAN? — MANTENE BYSIDES SEGUR NO TA ADEN??

SEMENARIO

- INDEPENDIENTE -

Esun mas lesa na Aruba.

Obtenible na :

ORANJESTAD serca

MAI STORE

Van Dorp

Wariruri

Ruiz Store

Playa Coffee Shop

Eagle Store

Refresqueria Mayor

Piet's Soda Fountain

Hong Kong Grocery

Refresqueria Ingrid

Refresqueria La Fama

La Esperanza Supermarket

Uchee's Place

Zepp Wever

Refresqueria Estrella

Edna's Place

Refresqueria Italia

Arco Iris

La Popular

Ling & Sons Supermarket No. 2

Sun Kong Supermarket

SAN NICOLAAS na :

Refresqueria Central Madeirens

La Esperanza Discount House

Chiquito Grocery

Chung Brothers Grocery

Za's Shop & Trading

Aruba Rum Shop

Ling & Sons Super Market

Lourdes Grocery

Refresqueria Benfica

Union Store

Nicolaas Store

Chung King Grocery

Sonny Place

Hotel "Las Delicias"

SAVANETA na :

Baby Grocery

Refresqueria Del Mar

Edwin's Drive-In

KAS DI PALOMA

Refresqueria Palomita

Buena Vista Rum Shop

CURA CABAI na :

La Mano de Dios

Miramar Rum Shop

POS CHIKITO na :

La Esperanza Supermarket

Pos Chiquito Rum Shop

Baby Bakery

SANTA CRUZ na :

C.C. Wever - Sta. Cruz 120

H.S. Croes Supermarket

Eta Croes - Sta. Cruz 350 A.

Aruba Store

Central Rum Shop

Macuarima Store

Coba Lodo Rum Shop

CAS ARIBA na :

Tienda Cas Ariba 22

CALABAS na :

Calabas Grocery

PARADERA na :

Paradera Store

Mario's Grocery

Charlie's Grocery

PIEDRA PLAT na :

Watapana Store

Baby Store

TANKI LEENDERT na :

Tienda Geerman

Tanki Leendert Grocery

NOORD na :

Palm Beach Store

Tienda Norteño

Lesa y abona

"CHUCHUBI"

El semanario cu circulacion mas grandi na

ARUBA

Cuenta na Pueblo

F. 1340 horta for di pueblo den un ora

Publicatieblad no. 45, anja 1957, ta trata di e reglamentonan di ordu cu miembronan di Staten tin cu tene nan na djé. Articulo 17 di e reglamento aki, papiando di comisionnan, ta bisa:

“E intercambio di ideanan den comisionnan mester ser considera como confidencial.”

E comision mas importante, bo por bisa té awe e unico comision activo di Staten, ta e comision central.

— Comision central ta e comision den cual tur miembro di Staten ta forma parti di dje y caminda tur punto promé cu nan ser, trata publicamente ta ser tratá secretamente.

— Comision central ta e comision den cual de bez en cuando ora gobierno ké fiks un kos bou di man, e ta hasié sin cu e purto aki tin nodi di ta ser trata publicamente.

— Comision central ta e comision den cual cada miembro cu presenta ta gana f 20,— pa reunion riba e f. 450,— cu e ta hanja como miembro di Staten pa luna.

— Comision Central ta e comision den cual miembronan di Staten ta fiks e.o. pa subi nan “pagamentu di gastunan ora nan bishita un otro isla foi f 40,— té f. 70,— pa dia, sin cu pueblo ta tende di e cosnan aki den reunion publico.

Dialuna 12 di oktober 4’or tabatin un reunion di comision central atrobe.

Agenda:

1. Un advies riba un carta cu comision di Statuut (un otro comision secreto) kier scirbi na gobierno insular.

2. Un advies riba un carta cu presidente di Staten di Surnam a skirbi nos, bisando nos cu nan ta bai Hulanda.

3. Advies riba un carta cu gobierno a skirbi nos tocante un cuarto cu Staten a fia foi Parket y cu nan ké bek atrobe.

Presente 7 miembro di Aruba, Arends no tabata t’ey.

Gastu: $7 \times f 70,00 = f. 490,—$ (loke un miembro tin mag di cobra ora e sali un dia foi su isla bai un otro isla).

$7 \times f 50,00 = f 350,—$ (pa retour aeroplano)

$7 \times f 20,— = f 140,—$ (pa cada reunion bo ta cobra f 20,00) — Total: f 980,—.

Presente 1 miembro di Boinaire:

$1 \times f 70,—$

$1 \times f 20,—$

$1 \times f 50,—$

Total. f 140,—

Presente di Cosow 11 miembro

$11 \times f 20,— = f 220,—$
Gran Total: f 1340,—

E reunion a cuminsa 4’or. Y foi 4’or te 5’or a papia si Ciro Kroon, cu no tabata presente, ta representa un fraccion apart den Staten y si Wijkie Maduro, cu si tabata presente, ta representa un fraccion apart.

5’or a dicidi cu tur dos ta representa un fraccion apart.

E ora ey e miembronan di Aruba a lanta para anunciando cu nan tin un reunion di Eilandsraad na Aruba y nan a bandona e sala.

Pará na porta tur hende a accepta punto no. 1 di agenda.

Cathalina a sera e reunion.

Punto dos y tres a keda wanta pa e otro reunion di comision central. Diarason 2’or tabatin reunion atrobe. f 1340,— a bai den su moerskont y tur dia gobierno ta jora cu NO TIN PLAKA.

Y lo no por tin placa nunca di nos bida. Maske cuanto bez subi preis di gasolin.

VITO

AVISO MAI STORE

TA PARTICIPA NA SU CLIENTELA Y NA HENTER E PUEBLO DI ARUBA CU:

1. MAI STORE NO TA BENDE REFRESCONAN DI NESBITT MAS.

2. MAI STORE NO TA ACCEPTA BOTTERNAN BASHI DI NESBITT TAMPOCO.

MARIO H. LACLE

Na Aruba of na Corsow?

Mil hende por hanja trabao na e Industria Petroquimica

Durante un reunion di urgencia di comision central siman pasa premier Petronia a duna un idea con e asunto dje industria nobo ta para te awor. El a splica dje tratamientonan entre gobierno i e grupo Europeo cu kier instala un eventual industria petroquimica na Antiyanan Neerlandes. Na e ocasion aki tabatin papia di un garantia di 20 miyon dollar pa un parti di financiamentu dje proyecto, respectu trabaonan infrastructural territorionan central e insular lo monta un suma di 70 miyon pa instalá e fabrica na Aruba i un suma di 85 miyon na Corsow. Esaki ta pa financia den tercer fase di e Meerjarenplan i riba diferente otro facilidadnan otro manera di tax-holiday te na un periodo di 15 anja, pero terminando te na di diez aña. E industria petroquimica lo por duna trabao permanente na 1000 trahador i indirectamente pa instalacion di otro industrianan chikitu cu tur huntu lo por duna un 3000 hende trabao.

E empresa lo ser ehecuta pa B.F. Goodrich and Chemical Concern, cu tin gran experiencia riba e terreno aki, cu ya a traha un schema caba di instruccion pa entrenamiento di tantu trahadornan educá como esnan no-educa.

Tocante di instalacion dje industria aki na Aruba of na Corsow, tocante esei ainda no

a ser combersa. Gobierno lo no duna advies den un cierto direccion, pero lo e larga esaki keda enteramente pa e grupo mes scohe ta riba cual dje islanan e kier instala su industria. Ambos isla tin cierto ventahanan.

Aruba, kende promer cu Corsow a cumenza cu e preparacionnan ya ta dispone di un terreno di industria, financia foi prome fase dje Meerjarenplan, pero e terreno na Corsow cu ta keda entre Boca San Michiel i Bullenbaai ta muchu mas grandi i ademas mas adecuado pa instalacion dje otro industrianan. Ademas di esei Corsow tin un potencial mas grandi di labor, un mehor puerto i mas posibilidadnan pa combati e ambiente.

Ambos isla ya tin indus-

trianan petrolero cu por ofrece e materianan na e instalacion petroquimica. E grupo petroquimica cu na principio kier a inverti 100 miyon, tin entretanto plannan mas grandi i a aumenta e inversionnan te na 150 miyon dollar. Pa medio di esaki anto e preparacionnan tambe a bira mas tantu pa un fecha mas leeuw.

Pero awor a yega asina leeuw cu por participa na e grupo ki facilidadnan por ofrece na dje.

Diasabra di siman pasa, Bestuurscollege di Aruba completo tabatin un discusion cu gobierno en relacion dje jega da dje industria. Ta spera cu promer di fin dje anja aki lo tende ki fecha i na cual isla e industria aki lo keda instalá.



Ata e auto cu tur hende tabata spera.

DATSUN 1200

4 porta

deluxe, Economico,
Convertabel, y Potente

Pasa libremente pa un roadtest na,

ANTILLIAN MOTORS ARUBA N.V.

Boerhaavestraat 21 — TEL. 3633 - 3733

UNDA NOS TA BAI???

E senjorita a fia e placa for di e caballero y primintiele cu e lo pagele beck den 3 dias. Despues di tres dias nada di placa y e caballero a demanda pa dunele e pago como sea. E senjorita kier keda cu e placa, sin paga y sin duna nada. E caballero no a gusta e asunto y a golpia e senjorita.

El a bisa: "COMO MI NO TA HANJA NI MI PLACA NI NADA, anto mi ta danja su cara tambe y esei a sosode tambe. POR TUMA E HOMBER NA MALU, kende e senjorita kier a tuma haci

Chuchubi

Redactor y Uitgever: **G.J. SCHOUTEN**

Bachstraat No. 2
Kruisweg No. 15

Oranjestad — Tel. 2526

Circulacion: **ANGEL ROSARIO**

R. B. Colon

Imprimi na **ORANJESTAD PRINTING**

Nan ta bisa:

Cu ministro Petronia pronto lo sali pa exterior cu ente un staf di advisornan.
— Cu muy pronto lo bini

dos ministro nobo den kabinet.
— Cu e ora ey si e ta birando nacional.

— Cu muy pronto un deputado ta bai cas.

— Cu ningun hende n' sa ta pakiko ni di kon.

— Cu parece nan a kita puesto di financia for di un deputado. (Corsow)

— Cu un hacido di bruha a tira baraha pa mira na unda e fabrica petroquimica ta bai.

— Cu parece el a bisa cu ta na un isla antiguo di Indian.

— Cu t'asina nan a maha te ora cu industria di aluminio tambe a fracasa.

— Cu pronto un partido ta bai perde polet. (Corsow of Aruba)??

USA PALABRANAN CLARO Y SINCERO

"No ta e trabao di prensa pa ser stimá

No ta e trabao di prensa pa tene tur hende contento y predica buniteza tur dia

Prensa no ta instrumento di esclabitud pa gobiernonan y esnan na poder.

Tampoco prensa ta causa di loke e ta reporta, apesar cu regularmente e ta worde acusa di esaki."

"Den prensa popular con que sea bo no ta predica Bo no ta usa frasenan literario. Bo ta usa palabranan claro y sincero y ta keda ripiti nan te ora cu nan worde comprendi.

Tene cuidao cu politicianan cu ta gusta tene secreto, cu ta usa "censura oficial" y tur medida cu a worde inventa pa stroba informacion franco y berdadero."

CECIL KING

Presidente di "International Publishing Corporation" di Inglaterra.

Redactor di Chuchubi tambe ta viaha.....

Redactor y uitgever di e semanario mas lesa na Aruba, Chuchubi, Mr. G. J. Schouten a viaha pa Mexico Diasabra pasa dia 17 di October.

Senjor Schouten a bai asisti na e asamblea annual di

Sociedad Inter-Americano di Prensa, (SIP), cu ta tuma lugar durante siman di dia 19 pa dia 23 di October.

Invitacion especial a wordu manda na tur miembronan di e organization door di e

direktiva di SIP pa atende e reunion importante.

Un di e temanan di mas importancia riba e agenda lo trata cu e peligro creciente di libertad di prensa den nos hemisferio.....



Durante lunanan di September y October un competitie di futbol FEMENINO a tuma lugar riba e terreno di futbol canti laman na Fontein. E competitie a wordu organisa door di Jong San Nicolaas. Campeon di e campeonato aki a resulta e team di mucha muhenan di Santa

Cruz cu number di Atlanta.

Diadomingo pasa dia 18 di October e team campeon Atlanta a wordu presenta su trofeo door di senjor Osbaldo Croes, miembro di Eilandsraad di Aruba.

Riba e portret nos por mira integrantenan di ATLANTA: keeper Rosa Erasmus, — pro-

mer rij di robez pa drechi: Margo Bislip, - Maria Geerman, - Lucia Dirksen, - Elsi Rosel y Mariska Dabian. Para: Nuris Dabian, - Christina Koolman, - Vera Bislip - Grecia Koolman, - Eulogia Albertsz y Sonia Bislip.

HUSTICIA

En bista di e hecho cu e pueblo di Antiyas a perde tur confianza i contacto cu nos cuerpo policial i hudicial, nos ta propone na gobierno:

— Promove na tur manera pa bini un Antillianisacion den nos cuerpo hudicial.

— Traduci tur nos bukinan di Ley na Papiamento.

— Obliga tur hueznan macamba promer cu nan cuminsa traha, si sigi un curso di por lo menos tres luna caminda nan ta sinja Papiamento i algo di nos mentalidad i cultura.

— Elimina por completo e sistema cu ta duna e ministro di Husticia poder pa prolonga e contractonan di hueznan cada tres anja i tam-

be despues cu nan ta baha cu pensioen.

— Sana por completo for di nos cuerpo policial figuranan indeseable cu pa nan actonan derechonan humano ta antagonisa e pueblo i forsa nan di tuma ley den nan propio man.

— Reorganiza nos cuerpo policial i base riba e principio di duna servicio na pueblo i no riba e principio di mantene orden i diciplina.

— Desarma e cuerpo policial.

— Parti e kinder- en zedenpolitie den dos departamento for di otro.

PRISON

En bista cu e hecho cu na 1970 nos pueblo Antiyano no ta kere mas den un prison

como lugar di venganza:

Nos ta propone na gobierno pa nombra un social werker — un maestro di school i un psicologo pa prison.

— Nos ta propone na gobierno pa kibra cu e sistema pa tene hende serrá henter dia i solamente laga nan los un ora mainta i un ora atardi, i duna nan algo di haci, sea den ramo di trabao — ensejanza of recreacion.

— Nos ta propone na gobierno pa prohibi cu sernan humano pa cualkier motibo ta ser serrá den un hokkie scur pa un siman of mas i cu cada un dia nan ta hanja pan i awa como cuminda (cachot).

— Nos ta propone na gobierno pa haci posibel pa famia i amigonan por bishita presonan mas cu tres minuut cada 14 dia i cu durante e bishita aki presonan ta hanja chens di papia cu nan famia sin cu tin bewaker sinta asina cerca cu nan por tende tur cos i cu e presonan por hanja chens di mishi cu nan famia i no pa nan ta ser parti for di otro cu un waya diki.

— Nos ta propone na gobierno pa caba cu e discriminacion cu ta existi den prison caminda e cinco celnan mihor i mas fresco ta ser duná na presonan macamba (mari-nier).

— Nos ta propone na gobierno pa ampleá e biblioteca di prison cu bukinan na Papiamento.

REFORMA SOCIAL.

BON BINI

NA

DIVI DIVI BEACH HOTEL

CAMINDA TUR

DIADOMINGO

POR GOSO DI UN SABROSISIMO

BARBEQUE

E Steelband JUMPING JEWELS t'ey

pa bo goso v diversion

Trece henter bo familia, come, bebe y baila na

PELICAN BAR

ora: 12.30 — 3.30 p.m.

MUCHANAN TA PAGA MITAR PRIJS y 10% service charge.

CORDA BON, nos lo contra Diadomingo na:

DIVIDIVI BEACH HOTEL

Kiko ta pasando den Antillas? UNDA NOS PLACA LARGA A KEDA?

Locual ta pasando awor ta masha tristo ariba e isla di Aruba ki PASOBRA ta imposibel pa bo hanja bo cambio ora bo drenta un tiendo y si bo bai na banco pa cambia placa nan ta bisa bo "NOS NO TIN, nos no sa unda e placa larga ta keda"-

E situacion aki ta deplorable, pasobra nos tabata tin ajera un caso cu un Arubiano a drenta un refresqueria cumpra algu y a ricibi como cambio pa dos placa "UN BALS".

E Aubiano a bira masha frega y insulta e Portugees,

kende a splikele pa no zundrele, sino su gobierno di Aruba cu no tin placa cambio manera florin — dies placa — debchi etc. etc.

E Arubiano no a kerele y a bai banco y aki a tende mescos y awor e no por comprende kiko ta pasando na Aruba y unda e placa a keda.

PA SACA TUR HENDE FOR DI DUDA, gobierno ta informa cu e placa chikitu a sali for di Hulanda basta tiempo caba, pero no tin fin di jega.


Nos ta kere cu ta tiempo

pa conta un otro historia y bisa verdad unda e placa chikitu a keda, PASOBRA E COS AKI TA BIRANDO CRONICO.

Banconan ta mandando nan trahadornan tur caminda pa busca cambio, esaki ta verdad tristo y tin compania grandi NO POR PAGA NAN PAYROLL, pasobra nan no por hanja e florin pa hinca den envelope.

TATA SALBA NOS MAS PRONTO POSIBEL FOR DI GARA DI E SITUACION AKI.

ORA BO HANJA



AMIGOS(AS) SATISFECHO TA
PAPIA DI NAN AIRE-ACONDI-
CIONADO, BO TA TENDE NAN
BISA, MI:

Agente:



Chrysler Airtemp

aruba trading company

WESTSTRAAT

TEL.: 3950

Jefe di polis no larga e cos drumi

E siman aki den barnan no tabata tin bringamentu, NI CORTAMENTU, pasobra parce tur hende a larga nan cuchu na cas!

E cos aki no a sosode normal sino PASOBRA nos Commissaris di Polis Don Oldenboom a dicidi cu e lo pone un fin na e canamentu cu arma y si homber kier bringa nan haciele noble manera antes a PUNJETAZOS, y ta larga su polisnan haci un recorrido y listra tur hende den barnan y otro lugarnan etc. etc.

Como por hibabo warda si bo tin arma den bo posicion

e wapunan awor no ta risca cana cu arma mas, y como nan no tin arma nan smoel a bira chikitu, pasobra nan no por hala saca un cuchu, corta un homber mas machu

cu nan y pesei NAN TA EVI-TA TROBBEL.

Nos ta spera cu polis no ta larga e cos aki drumi y haci nan recorrido constantemente, tambe den casnan di viahe...

STEELCONSTRUCTION
ELECTRICAL INSTALLATION
AIRCONDITIONING & REFRIGERATION
PLUMBING, PIPEFITTING &
ASPHALT ROOFING

TEL. 3555

DAKOTA

Brandy "H. Dyke Gautier & Fils"

Un Brandy legitimo importa di Cognac Francia cu un sabor exquisito, ta wordu ofrece na publico. Brandy Gautier ta mundialmente conoci, como di un calidad superior.

Ademas di sut prijs economico, nos ta cambia tambe e botternan bashi pa yen, na siguiente manera;

10 botter bashi di Brandy Gautier di 12/1 pa un 12/1 yen
10 botter bashi di Brandy Gautier di 24/2 pa un 24/2 yen
10 botter bashi di Brandy Gautier di 48/4 pa un 48/4 yen

E botternan bashi ta wordu cambia na e siguiente lugarnan;

MAI STORE	— Oranjestad
CHOY MOY	— San Nicolas
FONTEIN RUM SHOP	— San Nicolas
MING HOP RUM SHOP	— San Nicolas
PALMERA QUALITY PRODUCTS	— Oranjestad

Na venta den tur expensionan di Licor, Supermercados y Restaurants.



PALMERA QUALITY PRODUCTS N.V.
NASSAUSTRAT NO. 5
TELEFOON 2122



ANIVERSARIO

ANIVERSARIO

"HENTER FAMILIA FELIZ CU AMSTEL"

Grandioso Programa presenta pa LICORES ARUBA N.V.

7 flamante auto pa henter pueblo di Aruba

Saboria Cervez AMSTEL y mira bao di e tapa pa un letter premiá y cambié pa un kaarchi na LICORES ARUBA N.V.

Si Bo forma e palabra A-M-S-T-E-L completo, Bo ta ricibi 12 kaarchi!

Pa kada kaha di AMSTEL BO TA HAYA UN KAARCHI y pa kada compra di 5 kaha di AMSTEL Bo ta ricibi un kaarchi extra mas. Exigi Bo kaarchi caminda Bo cumpra Bo kaha di AMSTEL.

FOR DI SEPTEMBER 1970 TE CU AUGUSTUS 1971 LO TIN 7 SORTEO Y KADA SORTEO TIN E SIGUIENTE PREMIONAN:

- 1° premio - Un TOYOTA Corolla 1200 Coupe — Pa e Cabez di Famia;
- 2° premio - Un motorcycle YAMAHA 125/YAS — Pa e jui grandi;
- 3° premio - Un television TOSHIBA — Pa e Ama di cas;
- 4° premio - Un bicicleta Rodeo PHILLIPS — Pa e junior;
- 5° premio - Un bicicleta di tres wiel — Pa e jui chikito;
- 6° — 10° - Un kaha di Cervez AMSTEL — Pa completa e alegria den Bo cas!

"HENTER FAMILIA FELIZ CU AMSTEL"

BEBE BO CERVEZ FAVORITO A M S T E L Y PARTICIPA DEN E SENSACIONAL CONCURSO AKI, CUAL SORTEONAN LO TUMA LUGAR VIA TELE-ARUBA DURANTE NOS PROGRAMA: "INFORMACIONES AMSTEL".

Fecha di e Sorteo-nan:	16 di NOVEMBER	1970
	16 di DECEMBER	1970
	26 di FEBRUARI	1971
	30 di APRIL	1971
	30 di JUNI	1971
	31 di AUGUSTUS	1971



KAARCHINAN POR WORDU CAMBIA Y DEPOSITA NA:
RIO RITA RUMSHOP - San Nicolas — OTIS GROCERY - Savaneta.
RIO GRANDE STORE - Noord. — y LICORES ARUBA N.V.

Nos lectornan ta scirbi

Es cu planta biento, lo cosecha Orcan

Nos por a lesa den Chuchubi di fecha 17 di Oktober 1970, con e Samartijnnan ta sclama cu nan Isla natal no ta di nan mas, mescos cu Cuba tabata un tempo promé cu Fidel a bini na mando.

Mescos cu nos Aruba tambe, e mes hendenan aki cu ta sclamando actual y otro Islanan tambe hunto cu nan ta juda e partida malvado di nan, esta P.P.A. pa trapa e Arubianonan.

Un dia promer cu eleccion e parada di costumber cu ta pasa den tur e districtonan di Aruba, bisti manera ta Carnaval tin, cu nan "Steelband" gritando lemanan di mas bajo cu tin y a la vez rebahando nos Arubianonan riba nos mes luga cu lemanan manera: "Arubians Tomorrow we keep all of you down" y "We will also kick you all tomorrow."

Pa hopi anjanan nos mester a soporta groseria di e hendenan aki cu awe ta jora

cu nan Isla a bira di e Mericanonan.

Cu ta Aruba mes ta bon pa nan awe. Aki nan ta biba den cas grandi, y auto gran-

di pa corre aden cu tur libertad di mundo.

"EL GOLPE ENSEÑA".

UN ARUBIANO

GRADICIMENTO

Pa medio di esaki, nos kier a expresa nos mas sincero gratitud na tur esnan, cu di un of otro manera a muntra nan atencion na morto y entiero di nos querida mama:

VDA. PLACIDA MADURO-LOPEZ

(q. e. p. d.)

Na number di su JIUNAN.

REMETIDO:

Biramentoe rond manera trom

Mi a bai INCU bai busca un kaarchi pa mi por bai dokter coe mi jioe coe ta sintiendo maloe. Na INCU nan a manda mi bai serca Dokter Ling te na Noord i ata ora, mi a jega serca e dokter aki i mi a duné e kaarchi pa e por consulta e mucha di mi, Dokter Ling a laga sabi coe mi mester bai serca e dokter cu a atende mi dia mi a

duna luz na e mucha, esta Dokter Dennert.

Tambe dokter Ling a bisa mi cu mescos cu mi por paga Dokter Dennert, mi por pagede tambe. Mi kier bisa Dokter Ling un cos si e kier e por bien di bin serca mi, anto lo e hanja sa ta kende mi ta.

Mi a bai serca Julio na INCU y awor e tambe ta bisa mi cu e no por juda mi, cu mi bolbe bai beck serca Dokter Ling. Tambe mi kier bisa Julio cu e mester corda cu eleccion ta den touw atrobe y e por bien bin serca mi atrobe pa busca mi voto.

E biaha aki mi no ta vota un bez, sino dos te tres biaha mes si e kier!!-

Beatrix Kock
Katiri 47

TA BENDE

OLDSMOBILE 1962

TWO-DOOR - HARDTOP - AIRCO, - RADIO -
TAPEDECK — FULL EQUIPPED.

PRIJS DI HIBA CAS!

DATSUN MOTORS.

Novela Original

-: Su bunita bicinja :-

Tabata hopi laat caba ora cu e dos muhenan aki a dici-di di regresa cas.

Durante e careda Julia tabata traha un enorme cantidat di plannan pa e cas nobo i nan futuro huntu. I e tabata hasi tur su posible pa por a complace e mama den tur esaki su exigencianan.

Ora cu el a pone e mama sano i salvo na cas, el a sigi cu e auto door dje cajanan nocturno cu direccion pa capital.

E kier a bandona e ciudad aki mas pronto posible, pasobra tur su recuerdonan aki un mirada di dje.

tabata jen di amor pa Nils. Pa lubida riba e homber ingrato e infiel aki e kier a dedica su mes enteramente na su trabao i trata dje manera ei di lubida por completo riba Nils cu no ta digno ni di

Te ainda tabata resona manera un sursurra di bientu den su rosea e palabranan cu su mama den un arranke di tristeza despues di morto di su tata i toch cu animo:

"Traha mi yiu. Traha, pasobra trabao ta e unico medio pa lubida verdriet i dolor."

I e palabra dje dia aya a bira awor realidad, pasobra e tambe mester a trata na traha awor pa e lubida riba Nils/

E luznan di caja tabata ilumina boveda dje casnan comercial, mientras demostracionnan ilumina tabata ser exhibi dne diferente empresa un tras di otro. Tabatin masha hopi famia ta camna ta kuier

gozando dje articulonan anochi.

Julia tabata conoce e esfera di ciudad masha bon; e ultimo anjanan el a custumbra masha tantu cuné, pero awe nochi e mucha tabata mira e bista di ciudad cu otro wowonan. Esakinan tabata nifica awe despedida pa Julia.

Lo e bai cuminsa un otro bida, un bida nobo, un bida sin Nils.

Pensando asina atrobe el a sinti manera ta un spada a tras pasa su curazon i automaticamente el a pone man na su curazon. I el a sintié ta krimp.

El a parkeer su auto riba e sitio of plenchí grandi dilanti dje edificio di flat. Ora cu el a bira su mes el a mira un figura scur ta sali foi banda dje portal den sombra.

Tabata un homber i esaki a camna ta bini riba dje.

E mucha muhe tabata asina sorprendi pa e aparicion inmediata i repentino aki cu el a keda para manera claba na suela.

E mucha muhe tabata asina sorprendi pa e aparicion inmediata i repentino aki cu el a keda para manera claba na suela.

"Julia", e homber a grité.

Reconosiendo e stem Julia a dal un paso mas atras, mientras un grito a escapa foi su garganta. Pero e mucha muhe su spantu a dura solamente un fraccion di un seconde. Unbes el a repara su mes i cu boz indiferente el a informa:

"Ta kiko bo ta desea ainda di mi, Nils?"

E homber no a comprende e proceder negativa dje muhe hoben aki, kende té algun siman pasa ainda tabata descansando den su brasa i tabata caricié i sobrecargé cu sunchinan. Na un manera insistente el a puntré:

"Mi n' ta comprende enter e asunto aki mas, Julia? Ta pakiko bo ta saka culpa pa mi e ultimo tempunan. M'a telefonea bo ya ta diferente bes i kada bes e comunicacion tabata ser kibra. Mi tabata skirbi bo foi Suecia, pero mi cartanan tabata bini back

ATENCION - ATENCION

OFERTA ESPECIAL DI PLASTIC PA FURA AUTO Y MUEBLES.

60 Diferente color. — Prijs Sumamente Barata

Nos a caba di ricibi tambe un lote grandi di e conocido verf marca "ADELPHI" den tur color.

J.E.P CABENDA

TELEFOON 1539 - ORANJESTAD

sin abri nan. Mi tabata malu, bo sa i nan a opera mi. Ta kiko a socede mi amor?"

Un momentu Julia a sinti un ora di debilidad tabata dominé, pasobra e sintimentunan cu e tabatin pa e homber a bolbe ta lamanta, ora cu el a tende su stem suave.

Nils kier a pone su man riba Julia su braza, pero cu un sorto di aversion Julia a bula tras hopi lew, meskos cu ora cu ta un colebra a mishu cuné.

"Laga mi cu tranquilidad, Nils. Bo ta un infame."

Ora cu Julia a jame un infamé, un expresion maligna a aparece riba su cará i den su wowonan unbes.

"Ta kiko tur esaki ta nifica anto?" el a grita na boz de lo masiado duru.

"Esei ta nifica cu bo ta un infame", Julia a ripiti 'trobe Bo ta casá, Nils i b'a propone mi tur imagenan di porvenir cu no tabata nada otro cu mentira. Danki Dios cu ta bo muhe mes a abri mi wowonan, pasobra si n' t'asina, Dios sa kiko lo no a socede. Mi tin odio contra bo. I ta solamente un bandido ta dispuesto na comete semehante abusonan, ganjando otro mucha muhenan cu bo no ta casa, lagando bo pober muhé cu su yu solitario atras na Stockholm i camna ganja cada mucha muhé den un otro ciudad."

Ainda e palabranan aki a ser menaza na un tono menos duru, pasobra con cu ta, tabata duel Julia di mester a papia malu cu un homber cu apenas dos siman pasa el a entrega enter su alma.

Comovi i sorprendi Nils a

laga su cabes zak riba su pechu. I triste el a bisa na boz baho:

"Bo ta rabia, Julia, pasobra mi no a conta bo nada di Brit i mi yiu. . . . Pero mi no tabata risca na hasi esei. Cada bez cu mi a propone na haci esei, algu tabata tene mi atras, Julia."

Bofonante Julia a resona un risa di bofon.

"Bo mester tin berguenza, Nils. B'a hinka un renchi di compromiso na mi dede i b'a traha huntu cu mi plannan pa porvenir, plannan pa futuro. Mientras cu bo tabata sa muchu bon cu ta injusticia boso tabata hasi na bo muhe legitimo i bo yiu di bo mes sanger.

Nils a cohe awor violente na braza i a grita furioso:

"Masha dia mi matrimonio ta solamente un formalidad numa. Nos union no tin balor mas. Ta abo mi ta stima, Julia. . . ."

Brutu Julia a ranka bai for dje diciendo: "Laga mi los. Mi n' ke tin nada mas absolutamente di hasi cu bo, Nils." Manera rayo e mucha muhe a corre bai i a disparce den e edificio grandi.

Aya el a keda para, pasobra e tabata sinti cu cada mo-

mentu despues e por a desmaya. Su curazon tabata bati cu irregularidad i su pianan tabata tembla. Continuamente e tabata mira spanta na porta di ansia pa e homber no persigié. I pa medio dje ansia aki el a sigi bai mas lew den e lift.

Nils a keda para p'afu na su auto. Primeramente e tabatin e impulso di persigi Julia, pero el a pensa su mes despues, pasobra hasiendo esei lo e ocashona un escandalo i esei lo no combinié at all.

El a keda ta para, a sende un sigaria i tabata hasi su mes un estudio di enter e situacion. E tabata sa cu awor tabata inutil pa e sigi insisti serca Julia, pero Nils no kier a duna su mes venci asina facil. Awor cu e mucha muhe a corre cuné, net awor el a bira mas atractiva den su bista i loke ta Brit, esaqui lo hanja un bon scual ora cu e yega Stockholm, di esei e por tabata sigur, pasobra un muhe respeta i casa, maské kiko cu pasa, su deber ta di keda den su cas i na ningun otro caminda. Esun cu a keda perhudica awor t'e mes.

E ta sigui

Supermarket Niki Habibe Jr.

Tel. 1757 — 1758

PA SERVICIO RAPIDO

HECHOS NO PALABRAS:

NOS TA BENDE SOLAMENTE ARTICULONAN
DI PRIMERA CALIDAD.

NOS PRIJSNAN NO A SUBII!

Nos lectornan ta scirbi

Aruba ta forma parti di Antillas?

Ta bira tempo cu gobierno Central ta realiza cu Aruba ainda ta forma parti di Antiyas Hulandes. Remarcable ta e hecho cu e ministronan ta dirigi palabranan via Tele-Curacao y e stationnan radial di Corsow.

Cada informacion y decision di e ministronan di Antiyas Hulandes ta wordu publica door di e corantnan cu ta wordu gedruk na Corsow.

Den e actual gobierno tin tres ministro cu ta bini for

di Aruba, pero esakinan no ta tuma e molester pa informa e pueblo Arubano tocante programa y medidanan di e actual gobierno.

Di Minister Chance di Aruba nos ta tende algo ora e ta na Isla Ariba.

Ministro Tromp desde cu el a wordu nombra como ministro no a informa e pueblo tocante su plannan. En realidad bo no ta tende nada di dje.

Minister Petronia nunca

mi por a scucha na radio y unicamente dos biaha den e ultimo cinco anja mi por a miré na television. Nan ta: Durante e welga di maestro nan y na anja 1966 na ocasion di anunciamiento di e pruebanan pa bora petroleo, algun dia prome cu entrega mento di lista di candidato nan pa eleccion.

Pakiko ora cu e minister di finanzas ta papia pa radio y television di Corsow, esaki no ta wordu relaya pa e

BRANDY VILBERT importa directamente di FRANCIA, famoso pa su calidad puro y sabroso, ta continua cu su enorme campaña cambiando botternan bashi di **BRANDY VILBERT** pa e mes un botternan yen di e Famosisimo **BRANDY VILBERT**:

E cambio ta asina:

10 botter bashie di BRANDY VILBERT	12/1 pa un di 12/1
10 " " di " "	24/2 pa un di 24/2
10 " " di " "	48/4 pa un di 48/4

Cambia e botternan bashie na e lugarnan aki bao menciona:

MAI STORE — ORANJESTAD
CHOY MOY — SAN NICOLAAS
FONTEIN RUM SHOP — SAN NICOLAAS.
MING HOP RUM SHOP — SAN NICOLAAS
E. F. DEBROT INC. — ORANJESTAD.

BRANDY VILBERT excelente pa su aroma, destila di puro druif selectá y envejecí den barrinan di roble importa directamente di FRANCIA pa su consumidornan na Aruba.

Obtenible na tur **SUPERMERCADOS, RUM SHOPS, RESTAURANTS.**

Unico Distribuidor:

E. F. DEBROT INC.

COLOMBUSSTRAAT 4 — ORANJESTAD

EXIGI BRANDY VILBERT UN LEGITIMO PRODUCTO
FRANCES DI PRIMERA CALIDAD



stationnan di Aruba y pa television di antemano un video tape ta wordu tuma cual por wordu transmiti na e mesun momento aki na Aruba?

Diasabra 17 di October, S.E. S.G.M. Rozendaal a papia unicamente pa e pueblo di Corsow, pero e charla tabata trata riba plannan di urgencia di gobierno pa henter Antiyas Hulandes. Dia-luna 19 di October S.E. Drs. R. MacWilliams ta papia tocante sueldo minimo pa personal di tiendanan, e conseho social economico, ley di lay-off, pensioen di behez, e pensioen di viuda y huerfano, y otro aspectonan social di importancia.

Na Aruba no tin personal di tiendanan? Aruba no mester wordu poni na haltura tocante di conseho social economico? Na Aruba obreronan no ta hanja lay-off?(!) Esnan cu ta hanja pensioen di behez na Aruba no mester wordu informa? Na Aruba no tin viudanan y huerfanonan? E otro aspectonan social di importancia no ta toca Aruba? Unda e miembronan di Staten ta? Nan no ta interesa; nan ta pensa unicamente na e presentie-geld y e pensioen como miembro di Staten y ora di eleccion ta e ora ey nan ta defende interes di pueblo Arubano.

Na unda e protestanan a keda di e otro politiconan? Na unda e boca grandi di e representantenan di obreronan di Aruba a keda? Na unda e comision di separacion ta buscando separacion?

Su Excelencia ministro presidente Petronia ta bai biaha di tantu bez. Mi ta spera cu e lo representa henter e pueblo Antiyano. Diasabra anochi mi a haya un shock, ora cu na Radio Caracas Television durante e programa di observador Creole, Su Excelencia Petronia, ministro president di Antiyas a wordu presenta.

ROLAND LACLE
Paradera 59

NOTA DI REDACCION: —
Nos politiconan a custumbra mucho di informa y ganja pueblo cu promesanan prome cu eleccion. Una bez nan ta riba e stoel suave, kiko nan tin cu nes cu pueblo.



MOLTING TIME—Summer's coming in Australia, so model Cassandra Styles sheds her mink to get down to bikini on Sydney beach.

DISFRUTA DI BO PASEO NA E SNACKBAR DI



SABORIA UN



Ice-cream
Juice
Lechi
Sherbet
Dur-O-Ritz

Hotdog
Hamburger
Chicken Platter
Batata Hazá
(di mas grandi na Aruba)
WEEKEND SPECIAL:

ROTI

Y corda cambia
emblemas pa
FLANEL DI RITZ
obtenible den tur
tamaño!



Aruba, N.V.

AVISO NA NOS LECTORNAN

CHUCHUBI NO POR Y
NO TA PUBLICA NINGUN
REMETIDO SI E
NO TIN NOMBER DI E
PERSONA CU SCIRBIE-
LE ABAO.

REDACTOR

Nos lectornan ta scirbi

Senior Redactor di "Chuchubi" - Presente.

Permiti mi un espacio den bo Semanario pa mi por pone lo siguiente na conocimiento di nos gobernantenan.

Mi a lesa den "CHUCHUBI" fecha Diasabra 17 Oktober, 1970, un pida stuk di Madiki caminda nan ta bisa, nan a zorg pa haci di Madiki cu tabata e segundo basurero, un paraiso cu hasta un kapel a worde construi.

Pero lastima cu tempo tabata poco pa nan a sigi haci mas pa e pueblo di pabou, pero nos Seniores Gobernantenan pone maske ta un paar di bombillo na e palu di luznan na Madiki.

Den tur skina di Aruba bo ta mira luz ariba caja, pero na Madiki caminda nos tin un kapel masha bunita mes, den dia so bo por gozele.

Anochi scur bo tin miedo di sali for di bo cas, pasobra no tin luz di caja na Madiki. Tur diamars anochi tin sacrificio, pero lastima cu hopi hende no por bai asisti, pasobra anochi ta masha scur, corda cu tin hende di basta leeuw sa' bin mira kapel anochi, asina ta mi ta pidi nos gobierno haci algo pa Madiki, pone maske ta un paar di bombillo pa nos por hanja luz di claridad. I nos lo keda masha contento.

Por lo pronto mi ta termi-

na mi relato den e semanario aki, I tambe na e redactor di e Semanario aki, ta bai mi mas sincero gratitud.

Efigenio Martinez
Madiki No. 36

X-X-X-X

Abona riba

CHUCHUBI

Magazine

X-X-X-X

La Esperanza Supermarket

E centro di economia popular, cu su prijsnan semper barata a juda mantene costo di bida na Aruba abao. Come bon, come calidad y keda bo tambe un cliente feliz y satisfecho di La Esperanza, e Supermarketsnan mas grandi aki na Aruba.

**SI NO TABATA PA LA ESPERANZA
PRIJSNAN DI COMESTIBLES NUNCA
LO A Baha NA ARUBA**

Gran - CONCURSO

E. F. DEBROT INC.

ta ofrece un sensacional Concurso pa toer consumidornan di su famoso productonan pa dia 16 di December 1970.

PONCHE DAKOTA
ANIS MONITO
COEEOEI TROPICAL
COEEOEI MALMOK

Brandy VILBERT

BLOODWINE
SPANISH PORT
MOSCATEL
MALAGA



Consumiendo es productonan aqui bo por pasa un Pascu Feliz ganando hopi placa CASH.

1°	—	Premio		Fls. 2.000 CASH	
2°	—	"		" 1.000 "	
3°	—	"		" 500 "	
4°	—	Premio	1	c. Brandy Vilbert	12/1
5°	—	"	1	" Ponche Dakota	12/1
6°	—	"	1	" Coeoei Tropical	12/1
7°	—	"	1	" Anis Monito	12/1
8°	—	"	1	" Vino Tropical	12/1
9°	—	"	2	" " "	12/1

Cambio di botternan bashi di cualquier di es productonan menciona pa ticket ta lo siguiente:

1 botter bashi di	6/2	pa 3 ticket	
1 " " "	12/1	" 2 "	
1 " " "	24/2	" 1 "	cu exepcion di botter di binja 24/2
2 " " "	48/4	" 1 "	

Ticketnan pa es concurso ta obtenible na oficina di E.F. DEBROT INC., Columbusstraat No. 4.

E concurso aki lo sera dia 14 di December pa 5'or di atardi y lo worde sortea na TELE-ARUBA dia 16 di December, pa 8 or di anochi.

ATENCIÓN!!

Ademas di es concurso aqui, nos ta sigui cambia botter bashie di Brandy Vilbert pa botter yen, manera costumber.

E concurso aqui ta valido pa residentes nan di ARUBA so, y e premio nan ta limita na un premio so pa cada participante, pa asina duna tur hende mas oportunidad pa gana. Naturalmente mas tickets bo tin mas grandi bo chens ta pa gana.

Brandy Vilbert excelente pa su aroma y sabor destila di puro druif y envejeci den barrinan di roble, importa directamente di Cognac, Francia pa su consumidornan di Aruba.

Unico Distribuidor:

E. F. DEBROT INC.

COLUMBUSSTRAAT No. 4,
ORANJESTAD.

Ban conta placa na viahes

Hefe di Servicio di Haaf y Pilotahe Senjor A.J.J. van Velzen a sali pa Estados Unidos pa asisti na un convencion di APPA, American Port Authority Association, di cual Teritorio Insular di Aruba tambe ta miembro.

E convencion di APAA ta ser teni tur anja y ta tuma lugar e anja aki na Houston di dia 19 te cu dia 23 di oktober venidero.

Como puntonan mas importante tin riba agenda:

— Areglonan administrativo den e diferente haafnan (e intencion ta pa trece mas unidad den e diferente sertonan di formulario cu ta ser usá)

- Computernan
- Trafico di haaf
- desaroyo di container y containerisacion.

★ Gobernador O.S. Henriquez y e deputadonan H. Figaroa y V. Kock a sali pa un viahe di servicio pa Zürich, Suissa, caminda deliberacionnan lo tuma lugar cu firma Muller.

Esaki ta relacioná cu aspectonan cu ta concerni Gobierno Insular en cuanto un eventual establecimiento di un industria petroquimica na nos isla.

E delegacion ta ser spera back na Aruba principio di otro siman.


..NOTA DI REDACCION: — Na Zürich, Suissa, sa warda placa!

..★ Tres dia un delegacion di nos islanan a pasa na Venezuela den bishita oficial Hunto cu promer ministro Petronia a biaha dos ministros mas; Ministro S.G.M. Rozendaal y ministro Drs. R. F. MacWilliams.

Toer ministronan a wordu

acompanja pa nan senjoranan. Diesiete persona na total a forma parti di e delegacion cu a pasa tres dia di bishita na Venezuela.

NOTA DI REDACCION. — Laga nos spera cu toer e viahenan aki lo duna bon resultado pa progreso di nos dushi Antiyas. Pober pagado di belasting..... Hasta cuando y cuanto mas.....



NOW FROM STOCK

LOOK

ANODIZED

Aluminum Awning
Windows

ANODIZED

Aluminum Sliding Doors

At lower Prices

AT

Antilliaanse Handel Mij. N.V.

FERGUSONSTRAAT 7

— TEL. 2628

Bo Horoscopo di Siman

ARIES

Maart 21 — April 19

Lo bo bai tin realizacion di bo plannan, pero tene masha cuidao cu bo laso matrimonial, pasobra por bini discusionnan fuerte. Huzga bon promer cu bo actua. Prepara bo pa cambionan grandi. Lo bo tende di perdida di un amigo intimo.



TAURUS

April 20 — Mei 20

No larga dificultadnan familiar depresabo. Esaki lo ta temporario y lo cambia di aspecto. Trata di haci loqual bo tabata tin planea hopi tempo caba. Busca placer den hendenan di sociedad. Aumenta bo forsanan espiritual.



GEMINI

Mei 21 — Juni 20

Bo signo ta masha favorabel e siman aki. Busca amistad nobo, como cu lo bo bai tin perdida di hopi amigonan bieuw, pero kendenan no tabata conviniente tampoco pa bo. Tuma un bon sosiego pa e trabao duronan cu bo a caba di haci. No larga di duna un bon consejo na e amigo cu aserca bo den su necesidad.



CANCER

Juni 21 — Juli 22

Tene masha cuidao cu perdedimento di placa of papelnan di importancia. Den amor lo bo tin masha exito e siman aki. Especialmente den oranan di anochi sali busca diversion. Lo bai tin cambio den bo trabao, aunque cu primeramente bo no ta gustoso, sin embargo al final e ta mas beneficioso.



LEO

Juli 23 — Agosto 22

Lo bo tin di studia e situacion e siman aki hopi, pasobra personanan falso kier haci bo victima di un manipulacion injusto. Trata na huzatur bo diplomacia. Haci tur posibel pa aumenta bo entrada, pasobra e siman aki suerte lo acompaña bo mas. No haci abuso di alcohol. Tene bo mas ocupa cu asuntonan di trabao.



VIRGO

Agosto 23 — September 22


Lo bo tin di biba e siman aki cu un poco mas economia. Personanan cu bo debe lo mandanan cobransa. Lo bo ricibi noticianan for di exterior. No trata di ser jaloers ariba cosnan sin base. Lo bo ta masha ocupa cu drechamento di papelnan di importancia.



LIBRA

September 23 — October 22

Ta bon siman pa bo trata di cumpli cu tur bo plannan pa bo por avanza. Comprende bo responsabilidadnan y paga tur bo debenan. Trata na keda dushi cu bo hefenan di trabao, pasobra por bini un clash inespera.



SCORPIO

October 23 — November 21

E siman aki ta favorable pa bo den asuntonan monetario. Trata na no malgasta e placanan, pero spaar mas hopi posibel. Esaki lo saca bo for di problemanan serio cu por presenta bo despues. Forsanan di Uranio ta inevitabel. Cuida bo salud hopi i no larga ni e menor malestar sin preocupacion.



SAGITTARIUS

November 22 — December 21

Espera cambionan ij progreso den bo trabao. Lo bo hanja noticia di un familiar o conocido cual lo fallece. E siman aki lo bo tin masha suerte den juego y amor. Lo bo ricibi un regalo, pero tene cuidao pasobra e lo bin di un enemigo di bo. Y lo bo bai descubri un secreto.



CAPRICORNIUS

December 22 — Januari 19

E siman aki lo presentabo hopi oportunidad pa gana placa. Busca hendenan adecuado pa trata bo casonan legal. Tene pasenshi cu pleitonan amoroso. Situacion lo cambia inespera. Trata na mejora bo den bo idealnan.



AQUARIUS

Januari 20 — Februari 18

Lo bo bai tin dificultad amoroso e siman aki. Busca consejo di personanan mas bieeuw ij sabi. Accepta un proposicion pero examina esaki y tur factornan bon promer cu bo tuma cualkier accion. No ventura mucho den weganan di placa.



PISCES

Februari 19 — Maart 20

Jupiter ta domina. Cambionan di pensamiento lo trece problemanan serio pa bo. Lo bo bai sintibo un poco nervioso, especialmente den oranan di anochi. No mescla bo mes den negoshinan ilegal cual por bin presentabo. Cuida bo salud, y no haci jaloers sin motibo.



ORANJESTAD PRINTING

E DRUKKERIJ pa GRANDI y CHIKITO

NOS TA UN DI E DRUKKERIJNAN MAS MODERNO NA ARUBA Y ANTILLAS

Pesey ORANJESTAD PRINTING ta

DRUK ROUTINAMENTE; 1 DIARIO, 1 SEMANARIO (CHUCHUBI) Y TAMBE DRUKWERK-
NAN DI LO MAS ADVANSA PA TUR NOS CAS COMERCIAL DI LO MAS GRANDI AKI
NA ARUBA.


SR. DIRECTEUR OF ADMINISTRADOR PUES SERCA NOS BO POR HANJA E CALIDAD
DI TRABAO CU BO NEGOCIO TA EXIGI, NA UN PRIJS DI BO AGRADO. Y LOKE TA
IMPORTANTE TAMBE: →

ORANJESTAD PRINTING

NO TA LAGA BO WARDA RIBA BO TRABAO "N U N C A"

Nos SERVICIO y CALIDAD ta BO MEJOR GARANTIA

PUES DUNA NOS UN BISHITA AWOR MES NA:



Oranjestad Printing



K R U I S W E G 15

T E L. 2526

Oranjestad.

Tambe pa nos Clientenan
Particular nos tin un gran
sortido di e mas BUNITA

KAARCHI RICIBIMENTO
KAARCHI BRUID
TUR ESEY CU ENVELOPPE
BUNITA.

y na prijsnan cu bo por paga.

PUES JAMA TEL. 2526 AWOR MES OF DUNA NOS UN BISHITA !!!